

hafa með höndum stjórn stofnunarinnar og annast rekstur hennar í þágu bind- 34
indisstarfseminnar í landinu, en jafnskjótt og Góðtemplarareglan hefur aftur 7. marz
starfsemi sína hér á landi, skal ríkisstjórnin afhenda henni stofnunina aftur, til
umráða og meðferðar samkvæmt skipulagsskrá þessari.

21. gr.

Skipulagsskrá þessari verður ekki breytt nema $\frac{2}{3}$ húsráðsmanna samþykki
breytinguna á tveimur fundum í röð, enda samþykki og stórtemplar breytinguna
og ríkisvaldið staðfesti hana samkvæmt þeim reglum, sem um slíka staðfestingu
gilda á hverjum tíma.

22. gr.

Með skipulagsskrá þessari er úr gildi fallin skipulagsskrá fyrir húseign Góð-
templarareglunnar í Reykjavík, staðfest af stórtemplar 8. júlí 1940 og skipulags-
skrá fyrir Bindindishöll Reykjavíkur, dagsett 15. nóvember 1938, staðfest af kon-
ungi 11. febrúar 1939.

23. gr.

Leita skal staðfestingar ríkisstjóra á skipulagsskrá þessari, og hún síðan birt í
B-deild Stjórnartíðindanna.

Samþykkt í húsráði 1. marz 1942.

Sigfús Sigurhjartarson,
formaður húsráðs.

Kristm. Jónsson,
p. t. ritari.

Veiti hér með samþykki mitt.

Reykjavík, 3. marz 1942.

Kristinn Stefánsson,
stórtemplar.

S A M Þ Y K K T

fyrir Vatnsveitufélag Glerárþorps.

35

10. marz

1. gr.

Nafn félagsins er Vatnsveitufélag Glerárþorps.

2. gr.

Heimilisfang félagsins er í Glerárþorpi í Glæsibæjarhreppi innan Eyjafjarðar-
sýslu og varnarþing þess í sama hreppi.

3. gr.

Verkefni félagsins er að sjá félagsmönnum fyrir nægu og góðu vatni til heimilis-
og búsparfa með því að leggja vatnsveitu úr stofnæð vatnsveitu Akureyrar ofan við
Rangárvelli til Glerárþorps og um þorpið.

Félagið skal og halda vatnsveitunni við og annast rekstur hennar.

35

10. marz

Allir eigendur fasteigna innan takmarka þorpsins skulu vera félagsmenn. Þó er félagsstjórn heimilt að undanskilja eigendur fasteigna, þar sem of kostnaðarsamt þykir að leiða vatn að eignunum.

5. gr.

Lögmætir félagsfundir hafa æðsta vald í öllum félagsmálum með þeim takmörkunum, sem í samþykkt þessari getur. Félagsfundir eru lögmætir, þegar löglega hefur verið til þeirra boðað, án tillits til þess hve margir sækja fundi, nema öðruvísi sé sérstaklega ákveðið í samþykkt þessari.

6. gr.

Aðalfundur félagsins skal haldinn innan félagssvæðisins í síðasta lagi fyrir lok marzmánaðar ár hvert. Skal stjórnin boða til hans með að minnsta kosti tveggja vikna fyrirvara. Dagskrá skal greina í fundarboði.

7. gr.

Aukafundi skal halda þegar stjórn félagsins þykir við þurfa, samkvæmt fundarályktun, eða þegar þess er krafist af a. m. k. 7 félagsmönnum. Til aukafunda skal boða á sama hátt og til aðalfundar.

8. gr.

Hver félagsmaður hefur eitt atkvæði á fundum félagsins. Félagsmenn mega fela öðrum félagsmönnum að fara með atkvæði sín á fundinum, en stjórnendur félagsins geta eigi farið með umboð fyrir aðra.

9. gr.

Prem dögum fyrir hvern aðalfund, skal reikningur félagsins fyrir hið liðna ár, ásamt athugasemdum endurskoðenda, svörum félagsstjórnar og tillögum endurskoðenda til úrskurðar, vera til sýnis fyrir félagsmenn hjá formanni félagsins.

10. gr.

Félagsfundum stjórnar fundarstjóri, sem fundurinn kýs og kveður hann sér fundarritara. Fundarstjórinn sker úr öllu, sem snertir lögmæti fundarins, form umræðna, meðferð mála á fundum og atkvæðagreiðslur. Þó skulu þær fara fram skriflega, ef einhver fundarmanna krefst þess.

11. gr.

Á aðalfundi skulu tekin fyrir þessi mál:

1. Stjórn félagsins skýrir frá gerðum sínum og framkvæmdum á liðnu starfsári, leggur fram til úrskurðar endurskoðaða rekstrarreikninga fyrir hið liðna ár og efnahagsreikning með athugasemdum endurskoðenda, svörum félagsstjórnar og tillögum til úrskurðar frá endurskoðendum.
2. Kosin stjórn félagsins og endurskoðendur, samkvæmt ákvörðun samþykktar þessarar.
3. Umræður og atkvæðagreiðslur um önnur mál, sem upp hafa verið borin löglega.

12. gr.

Afl atkvæða ræður úrslitum á félagsfundum. Þar sem tveir eða fleiri fá jafnmörg atkvæði við kosning stjórnenda eða endurskoðenda, skal hlutkesti ráða. Samþykktum félagsins verður þó ekki breytt nema á fundi, þar sem mættir eru a. m. k. $\frac{3}{4}$ félagsmanna og breytingar samþykktar með $\frac{3}{4}$ greiddra atkvæða á fundinum. Ef eigi sækja nógu margir slíkan fund, skal boða til nýs fundar, innan 14 daga á

sama hátt og segir í samþykkt þessari. Ræður sá fundur málinu til lykta með $\frac{3}{4}$ greiddra atkvæða án tillits til þess, hve margir félagsmanna sækja fundinn.

35

10. marz

13. gr.

Rita skal í sérstaka gerðabók allar fundarsamþykktir og stutta skýrslu um annað, er gerist á félagsfundum. Fundargerðin skal lesin upp í fundarlok og borin undir atkvæði og undirskrifuð af fundarstjóra og fundarritara. Þessi fundarskýrsla skal vera full sönnun þess, er farið hefur fram á fundinum.

14. gr.

Stjórn félagsins skal skipuð þrem mönnum úr félaginu, sem aðalfundur kys til eins árs í senn. Fyrsta stjórn félagsins sé kosin á stofnfundi. Tveir stjórnarmenn skulu kosnir til vara.

15. gr.

Stjórnin skiptir með sér störfum þannig, að einn sé formaður, annar gjaldkeri og þriðji ritari. Á fundi stjórnarinnar ræður afl atkvæða úrslitum. Stjórnin heldur fundi þegar formanni þykir við þurfa, en auk þess er formanni skylt að boða til funda þegar annar hvor meðstjórnenda krefst þess. Það, sem gerist á stjórnarfundum, skal bóka í gerðabók félagsins, og ritar stjórnin undir.

Ályktanir á stjórnarfundum eru því aðeins löglegar, að tveir stjórnendur að minnsta kosti séu á fundinum, enda séu þeir sammála um atriði það, sem ráða á fram úr. Stjórnin ræður öllum félagsmálum milli funda og getur skuldbundið félagið með ályktunum sínum og samningum, þar á meðal veðsett eignir þess. Þó þarf samþykki allra stjórnarmanna til veðsetningar eigna þess. Stjórnin hefur umráð vatnsveitunnar og annast öll framkvæmdarstörf, þar á meðal að sjá um lagningu vatnsveitunnar að öllu leyti, ákveða hvar og hvenær vatnsæðar skuli lagðar, semja um kaup á öllu efni og áhöldum til vatnsveitunnar og alla vinnu við hana. Félagsstjórnin hefur og vald til að taka lán fyrir vatnsveitufélagið og veðsetja eignir þess til tryggingar, svo sem fyrr segir. Gjaldkeri innheimtir vatnsskatt og allar aðrar tekjur félagsins og kvittar fyrir.

16. gr.

Félagsstjórnin setur þær reglur, sem hún telur við þurfa, um notkun vatnsins og meðferð þess, svo og um meðferð á vatnsæðum og tilhögun húsæða, efni í þær og vídd þeirra. Til þess að vatnsæð verði lögð frá aðalvatnsveitunni í hús, þarf skriflegt samþykki félagsstjórnarinnar og mega ekki framkvæma það starf né lögn húsæða, breytingar eða aðgerðir á þeim, aðrir en þeir, sem löggiltir eru vatnsvirkjar eða þeir, sem félagsstjórnin löggildir vatnsvirkja fyrir vatnsveitufélagið.

17. gr.

Félagsstjórninni eða eftirlitsmönnum, sem hún skipar, er heimilt að fara í hús félagsmanna til þess að athuga vatnsæðar og tæki þau, er sett eru í samband við þær. Nú þykir félagsstjórninni eða eftirlitsmanni útbúnaði ábótavant að einhverju leyti, og skal þá félagsmaður tafarlaust bæta úr því á þann hátt og innan þess tíma, sem félagsstjórnin eða eftirlitsmaður leggur fyrir, að öðrum kosti getur félagsstjórnin látið framkvæma verkið á kostnað félagsmanns.

18. gr.

Félagsstjórninni er heimilt að loka vatnsæðum fyrir þeim, sem eigi greiða vatnsskatt á réttum gjalddaga, vanrækja aðgerðir samkv. 16. gr. eða eftir ítrekaðar áminningar eyða vatni að óþörfu eða nota það svo, að óþrifnaði valdi, hvort tveggja að dómi félagsstjórnar. Sama er og ef félagsmaður vanrækir að halda vatnsæðum sínum

35 vel við, að áliti félagsstjórnar, vanrækir að gera við þær ef þær bila, eða gætir þess ekki að forðast að frjósi í vatnsæðum.

10. marz Fullan vatnsskatt ber að greiða einnig þann tíma, sem vatnsæðinni er lokað.

19. gr.

Starfsár félagsins og reikningsár er almanaksárið.

20. gr.

Til þess að standast kostnað þann, sem félagsskapurinn hefur í för með sér, skulu félagsmenn greiða vatnsskatt samkvæmt gjaldskrá, sem félagsstjórnin setur. Vatnsskattinn má taka lögtaki og skal hann tryggður með lögveðrétti í hlutaðeigandi fasteign næstu tvö ár eftir gjalddaga með forgangsrétti fyrir hvers konar samningsveði og aðfararveði. Gjaldtagi á vatnsskatti skal vera 1. október ár hvert.

21. gr.

Aðalfundur kýs tvo endurskoðendur og einn til vara, til eins árs í senn. Stofnfundur kýs fyrstu endurskoðendur. Fyrir lok janúarmánaðar ár hvert skal gjaldkeri hafa lokið við reikning félagsins undanfarið starfsár og afhent hann endurskoðendum, sem jafnan skulu hafa aðgang að öllum bókum, skjölum félagsins og sjóði til eftirlits.

22. gr.

Brot á samþykkt þessari varða sektum allt að 100 kr. og renni í félagssjóð. Með mál út af brotum á samþykkt þessari skal farið sem almenn lögreglumál.

23. gr.

Félagsmönnum er skylt að fara vel með vatnsæðar og önnur mannvirki félagsins og skulu skemmdir á þeim varða sektum allt að 100 kr., auk skaðabóta eftir almennum reglum.

24. gr.

Um tillögur til slita á félaginu fer eftir sömu reglum sem um breytingar á samþykkt þessari. Félaginu skal slíta samkvæmt ákvæðum 112. gr. vatnalaganna, nr. 15 20. júní 1923. Fundur sá, sem ákveður að slíta félaginu, kveður og á um, hvernig ráðstafa skuli eignum félagsins og borgun skulda. Jafnframt skal fara eftir fyrir-mælum 113. gr. téðra laga, eftir því sem við á.

Samþykkt þessi staðfestist hér með samkvæmt vatnalögum, nr. 15 20. júní 1923, til þess að öðlast þegar gildi og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 10. marz 1942.

Jakob Möller.

Páll Pálmason.